



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 62. Initium Ligæ, seu sancti fœderis.

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI.
A.C. 1576.
batur, eandemque gratiam Colinio maris Præfecto, Briqueinaldo, Cavanio, Montgomerio Comiti, & Puteo Montbrunio impertiebatur. Denique Calvinistis permittebat, ut Consistoria, & Synodos habere possent, ea tamen conditione, vi cujus regius quidam Minister illis interesset, prout etiam prohibebat, ne intra regnum ullus liber, nisi prius a loci Ministris sedulo examinatus divenderetur, aut libelli famosi typis vulgarentur: præcipue autem articulo decimo sexto sancitum, ut in omnibus publicis monumentis, & diplomatibus, ubi de Calvinistarum hæresi mentio fieret, semper ea vocaretur prætensa religio reformata. Tandem in capite decimo iidem Calvinistæ obstringuntur, ut in matrimoniis contrahendis circa consanguinitatis, vel affinitatis gradus Ecclesiasticas leges observarent.

§. LXII.

Initium Ligæ, seu sancti fœderis.

Thu. l. 63.
Avila l. 6.
Maimb. hist.
de la ligue
l. 1.
Hoc edictum, eo quod Calvinistis longe magis, quam priora omnia, faveret, non parum irritabat Catholicos, inter quos magis fervidi in variis locis fœdera inire satagebant, obtendentes, quod veram religionem contra ejus inimicos tueri vellent; jam enim dudum de ejusmodi fœderibus agebatur,

tur, ut hæresis progressus sisti, ac præpediri possent, ne religio Catholica Sectariorum molitionibus, ac violentiis succumberet: eapropter Lotharingius Cardinalis in Tridentina Synodo præfens præcipuis sacri hujus confessus Patribus, aut per eos ipsi summo Pontifici exponebat, quod ad religionem contra hæreticorum impetus conservandam nullum securius esset medium, quam armorum societas, cui omnes Principes, & Proceres fidei Catholicæ addicti, ac præcipue Hispaniæ Rex nomen darent. His quoque addidit, necesse esse, ut Papa hujus fœderis Protectorem sese declararet, illiusque Ducem seligeret, cui ceteri omnes Catholici morem gerere tenerentur. Placuit hoc consilium, atque in fœderis Principem Guisus Dux Lotharingii Cardinalis Frater destinabatur, eo tempore, quo illum ab hæreticis trucidatum fuisse nuntiabatur: nec tamen propterea Cardinalis a suo proposito destitit, sed undecim, aut duodecim annis superfedit, usquedum juvenis Guisus Dux Henricus ejus Nepos consilium exequendo par evaderet. Tum eandem rem summo Pontifici, atque Hispaniarum Regi exposuit, qui una omnes variis licet rationibus permoti huic fœderi accesserunt; quippe Papa religionem

Sæcul. XVI.
A.C. 1576.

Sæcul. XVI. Catholicam tuendi, hæresesque extir-
A.C. 1576. pandi desiderio, Hispaniæ vero Rex
belli tumultus, qui ex hoc foedere in
Galliis orirentur, in rem suam verten-
di studio ad amplectendum hoc consi-
lium adigebatur: interea vero Lotha-
ringius Cardinalis vivis eripiebatur.

§. LXIII.

*Parisienses præ ceteris primi huic fo-
deri adherentes.*

Thu. l. 63.

Hoc consilium executurus juvenis Gui-
sius Dux factionem sibi conciliare
nitebatur, cujus potentia fretus potif-
simam Galliarum partem subjicere pos-
set, porro cum nuperum edictum a Re-
ge promulgatum ad inchoandum hoc
foedus opportunam occasionem suppedi-
tare crederet, seque illius caput nomi-
nandum speraret, hinc per suos emissar-
ios populis exponebat, quod postrema
hæc concordie pacta nequaquam feren-
da sint, ac proin adversus ea conqueri
debeant, eorumque querelas virium po-
tentia, atque auctoritatis pondere suf-
fultum iri sciant. Eadem hæc ratio-
num momenta præprimis Parisiensibus
proponerentur in quodam ferventi col-
loquio, quod quidam Unguentarius no-
mine Petrus Bruyerus habebat, ipse
enim, ejusque Filius Matthæus Curie
criminalis Consiliarius præ ceteris pri-
mi